

**Politiit sulinerat pillugu inatsisip allangortinneqarnera pillugu inatsisip assigiinngitsut Kalaallit Nunaannut atuutilersinneqarneri pillugit peqqussut pillugu siunnersuut (Politiit timmisartunik inuttaqanngitsunik suujunnaarsitsisinaanerit il.il. pillugit erseqqissaaneq) pillugu missingiutip Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut (Meeqqanut, Inuusuttunut, Inatsisip Atuutsinneqarnerannut Naligiissitaanermullu Naalakkersuisoq)**

### **Siullermeerneqarnera**

Siullermik Naleqqamiit Naalakkersuisut qutsavingerusuppagut politiit inatsisaanik nalimmassaanermik, Naalagaaffik suleqatigalugu saqqummiussimmata, aammalu pigasuartumik inatsisip danskit akisussaaffiisa nalimmassapalluttalerneranut. Tamannami ukiuni arlaqalersuni Folketing- imi ilaasortatta aamma piumasarisarpaat, Namminersornermut inatsip naapertorlugu Danskit pisussaaffigimmassuk.

Tamannami ukiuni arlaqalersuni Folketing- imi ilaasortatta aamma piumasarisarpaat, Namminersornermut inatsip naapertorlugu Danskit pisussaaffigimmassuk Inatsisip siunertaa uaniippoq, politiit, dronit allallu atortorissarutit timmisinnaasut inatsisitigut ersarissumik sinaakkuteqarnissaat. Tassami atortut taamaattut inuiaqatigiit akornanni, innuttaasunillu eqqissiviillortitsippata imaluunnit ulorianartorsiortitsippata, politiit atortorissarutit atorlugit taakkunannga uloriartorsiortitsiunnaarsinnaanissaanik inatsisitigut ersarissaavigineqarput.

Dronit allallu timmisinnaasut sillimaniarnermut ajoqutaasinnaapput, ingammik mittarfinni, talittarfinni allatigullu atortorissarutinut nunatsinni pingaarutilinnut, soorlu internetimut, mobilinut attaveqaatit. Tassami tamakkua suligasuarfigisinnaanngikkaanni assersuutingalugu peqqinnissaqarnermi angallassisoqartillugu kinguarsaaneq, angalaniartunut, assartuinikkut allatigullu upalungaarsimaniarnermi ajoqutaasinnaapput.

Naleqqamiit pingaartipparput politiit pigasuartumik qisuariarsinnaanerit, taamaattumillu siunnersuut tapersissuarput, soorunami aamma naatsorsuutigeqqissaarlugu, politiit taanna pisinnaatitaaffik torersumik atussagaat.

Uani siunnersuummi aamma cykel- it tillitaasimasinnaasut unitsissinnaanissaat periarfissarilissavaat. Tamannalu aamma tapersissavarput.



Naleqqamiit aalajangiiffissatut siunnersuut, Kunngip peqqussutaa taparserparput, taamannallu isikkoqartillugu aappassaaneerneqarnissaa innersuullugu, pisariaqassappallu aamma inatsisinut ataatsimiisitaliamukartinnissaa ammaffigaarput arlaannik inatsimmi qulaajagassaqassappat.

Qujanaq